



Châng thlan: *Tirhkohte 9:32–43, Tirhkohte 10*

Zirlâite tân:

Hriat tûr: Peteran kohhran enkawlna leh rorêl thiamna lama thilpêk a dawnte chu an hria ang.

Vei tûr: Rawngbâwlna kawnga Petera huaisenzia kha an fak ang.

Tih tûr: Petera nun leh rawngbâwlnaa zir tûr awmte chu anmahni mi mal nun leh kohhran nunah an hmang tângkâi ve ang.

THUPUI THEN

I. Hriat tûr: Petera chakna

A Mi rilru mumal lo angreng tak Petera te ang Isua tâna mi huaisen êm êm an lo ni ta mai kha eng vâng nge ni?

B Eng tiangin nge Petera nun leh rawngbâwlnaah khân tawngtâinain dinhmun pawimawh tak a luah? Eng tin nge Petera khân a rawngbâwlna hmun hrang hranga ringtu awmte beiseina kha a hmachhawn thin?

II. Vei tûr: Petera nunchang langsâr tak takte chu

A Petera kha kohhran hruaitu langsâr tak a ni tho nachungin, eng tin nge kohhran member pângngâite pawh phâka a awm reng theih? Hei hian pastor leh hruaitu a nih kawp dân eng nge min hrih?

III. Tih tûr: Petera nun aţanga zirlâi zirin

A Peteran mi mal leh kohhran mamawhte a phuhrûsak theih nâna thil a tih thin dân aţang khân eng nge zir chhuah theih kan neih?

KHÂIKHÂWMNA: Petera khân kohhran member a nihna ang te, tawngtâi mi a nihna ang te, thuhrlitu a nihna ang leh kohhran hruaitu a nihna angte-in Kristiante tân entawn tûr sùlhnu tam tak a hnutchhiah a ni.

INZIRTÎR DÂN TÛR

RAHBI 1—Chawk phûr rawh

Bible châng thlûr bing tûr: *Tirhkohte 9:32–43*

Thlarau thanna atâna thu pawimawh: *Isua khân thlân aţanga a thawh leh hnu khân a zirtîrte chu rawng an bâwl theih nân a buatsaih nghâl char char a. Petera khân Isua chu a thih hmâin vawi thum a phat a. Tholeh Isua khân zirtîr a nihna anga mawhpurhnate chu a koah a nghat ngam dâwn em tih hriat tumin zawhna vawi thum a zâwt a. “Kristan Petera hnêna zawhna a zawh hi a pawimawh pawimawh khawp mai. Zirtîr ni tûr leh rawngbâwl tûra kawng awm chhun chu pakhat chiah a nih thu sawiin, ‘Nangin kei mi hmangaih em?’ tiin a zâwt a nih kha. Hei hi zirtîr ni tûra thil pawimawh êm êm a ni.”*—Ellen G. White, *Chatuan Nghahfâk*, p. 815.

ZIRTÎRTUTE TÂN BÎK: Isua thawhleh hmaa Petera hlawhchhamnate leh hlawhtlinnate kha sawi hmasa phawt ang che. Zanriah an ei khama Gethsemani huan lam an pan lâi khân Isua chuan Petera hnênah, “Simon, Simon, ngâi teh, Setanan buh thlei anga a thlei theihna tûr che u-in nangniho hi a dîl che u asin; nimahsela in rin a bo loh nân ka tawngtâisak che u a ni” tiin a sawi a (*Luka 22:31, 32*). Hetih lâi hi chuan Petera khân Isua thil sawi awmzia hi a la hrethiam chiah lo va; mahse Isua tân chuan a inhuam hle tho, amah chhan tûr chuan lung ina tân emaw, thih emaw hial pawh a huam a ni (*Luka 22:33*). Amaherawhchu, mi rilru nghet lo tak mai a ni a. Isua chu Pathian ruat Krista a nih thu te a han puang leh ang hlui thîn a; mahse a hnu lawkah Isua chu tu nge a nih tih pawh a hriat loh thu a sawi zui leh mai bawk si. Tûm khat chu

tui chungah ke-in a kal a, nimahsela rinna chuan rinhlehna kawng a kian a, a chungah thilmak lo thleng chu a thihpui thelh nghe nghe a ni. Isua chuan Gethsemani huanah a hruai ve a—a chang sâng he mai—nimahsela Petera chuan mutthlûk a thlang ta zâwk a. Puithiam vêngtu beng pawh a'n zai thlâk ve mai a; nimahsela hmeichhe pakhatin Isua chanchin a zawh erawh chuan a hriat ang pawh a sawi chhuak ngam leh si lo. Chu veleh arpa a rawn khuang ta âl âl a, Petera chu a tap ta zawih zawih mai a ni. Petera sualnate leh khawvêl sualnate avângin Isua chu Jerusalem pâwnah khenbeh a ni ta a. Khenbeh a nih ațanga a ni thumnaah Peteran tholeh Isua chu a hmu a. A nun pawh a danglam ta vek mai a ni. Lalpa chuan Petera kha mi thar diaiah a chhuah a, Pentikos nî pawh khân rilru nghet leh huai takin thu a hril ta a nih a nih kha.

Sawi ho tûr: Krista zirtîr nih hi hamthatna a nih rualin mawhphurhna pawh a keng tel baw. Hamthatna leh mawhphurhna a kel telte chu eng nge ni? Chûng mawhphurhna chu eng tiangin nge kan hlen chhuah loh thin le?

RAHBI 2—Zawng chhuak rawh

ZIRTÎRTUTE TÂN BÎK: Isuan Petera hnênah, “Ka hnêna i rawn kîr leh hunah i unaute tichak ang che” tiin a sawi a (*Luka 22:32*). Petera nunah khân thil inkâwl kalh tak tak a awm kawp nual—chakna leh chak lohna, huaisârna leh tîmna, rinawmna leh phatsanna. Nimahsela a tâna Isua țawngtâina chu a hnênah a châm reng a, Isua chuan a hnêna a la rawn lêt leh tûr thu a hrilh baw. Petera hian Isua a phatsan a ni maithei e; mahse kha a phatna kha a tâwpna a ni lo. Hun eng emaw ti lâiin a phatsan ve zauh a ni mai a, LALPA chuan a țawngtâina nên a thlamuan si a. LALPAN amaha beiseina a neih chu a lo thlâwn dâwn lo: Petera hian a unaute a la tichak dâwn a ni. Chutichuan,

Petera chu thiltithei leh chak tak, Pathian Lehkha Thu hre êm êm, Thlarau Thianghlina khat, Pathian Thlarauvin an sualte sima Isua chu an Chhandamtua pawm tûra mipui sâng tam takte pianthartîrtu atâna a mi hman a ni. He tirkoh huaisen, thiltithei leh hlauh nei lo hian ringtute chu a tichak a—a unaute tichak tûra amaha Isuan beiseina a neih chu tihlawhtlingin mamawh nei te, ringhlel reng mai te, thi tûr te, leh mi mikhualte a ãnpui ãn a ni.

Tûn kêr zirlâi hian kohhran mimirte ãnpui a, kohhran a ãn zêl theihna tûra indâidanna bangte ãhiattu Petera chungchâng a thlûr bing ang.

ZIR ZAUNA

I. Petera: Kohhran mimirte ngaihsaktu chu (*Tirkohhte 9:32–35*)

Kohhran ãn dân leh chanchin ãa darh zau zêl dân kan zir hian thil mak tak tak a thlen thu kan hmu ãn a. Hetianga kohhranin hma a sâwn uak uak lâi hian thuhritute pawhin kohhran member punna, hmasâwnna leh chumi atâna thawhlâwm lo luh belh zêl lam ringawt chu ngaihtuah bera neihin, kohhran member-te ngaihsak leh an ina va tlawh chhuah/kan lam chu an hlamchhiah hlauh a, a nih loh pawhin, mi dangte kutah an dah ta mai niin a lang. Rawngbâwlnaah hian hna thawh tûr chanpual insem hi thil pawimawh tak chu ni tho mah se, kohhran hruaitute hi chuan kohhran member nâwlpuite an thlahthlam thiàng lo hrim hrim. A thu hrilin Jerusalem khawpui a sâwi ngîn hial khawpa mi ropui leh, kohhran ãnna atâna a kûl a tâi ber Petera khân kohhran member-te tlawh chhuah pawimawhzia a takin entawn tûr min lo hnutchhiah a: Petera chu ringtute tichaka fuih phûr tûrin “ram chhûnga khaw hrang hrang a kal chhuak vek a” (*Tirkohhte 9:32*).

Ludda khuuah a zuk kal a, chutah chuan zeng pakhat, a zen avâng kum riat lâi khumbeta awm tawh Aini chu a hmu a. He mi hnênah hian Petera chuan, “Isua Kristan a tidam a che” tia sawiin a hnênah damna a thlen a (*Tirhkohte 9:34*). Tirhkohe-pastor-evangelist nih fâwm kêmtu Petera hian Ludda khuuah ringtute chu a pawimawh ber hriat ðelh lo tûrin a duh a: tihdamna hi a pawimawh khawp mai, mahse chu âia pawimawh zâwk chu Isua Krista hi Tidamtu chu a ni tih hi a ni. A hnênah hian Siamtu thiltihtheihna ropui tak chu a awm si a.

Thilmak dang pawh a rawn thleng leh nghâl thuai a. Ludda khuah aţanga hmar thlang lam mêl sâwm leh pakhata hlaa awm Joppa khuuah chuan kohhran chhûngah chhiat tâwk a awm hlah mai. Hmeichhe pakhat, a hming Dorki an tih, “thil ða tih leh mi dangte ðanpui peih êm êm” chu a thî a (*Tirhkohte 9:36*). He nu hian a rinna leh koh a nihna chu a la thutak hle a, chanchin ða chu mi reitheih leh harsa zâwkte “kawr leh puan” ðhuisak hmangin a tlângaupui ðhîn (*Tirhkohte 9:39*). Hriau leh khâwl-la hmanga rawngbâwl a, Joppa khuuah hmeithâi lungngâite tinui chhunzawm leh tûrin Isuan a kâitho ta a ni.

Ngaihtuah teh: Thilmak dang, a pathumna atân a thleng leh a: “Chutichuan, Petera chu Joppa khuuah awm Simona, savun siamtu inah chuan ni tam tak a châm a” (*Tirhkohte 9:43*). Savun siamtute hna ber chu ran thi tawh hnu vun sawisak a, tihthih a ni—hetiang hna a thawh avâng hian Simona kha Juda-te sakhaw dânah chuan “bawlhhlawh” (*Lev. 11:24, 25*) a nih phah theih avângin Juda khirh deuh tân chuan a ina thlen chilh chu sawi loh, a hnaih pawh hnaih loh hrim hrim zâwk tûr ang a ni. Eng tin nge chutiang indâidanna bang chu ðhiah a lo nih tâk le?

II. Petera: Dâidanna bang ðhiattu chu (*Tirhkohte 10*)

“Pathian chu a thilmakte ti tûrin mak takin a che ðhîn.”
Chutiang chuan Petera leh Kornelia-te nunah pawh khân hna

a lo thawk daih tawh a. Tirhkohte 10 hian Juda-te leh Gentail-te inkâra dâidanna bang thiah a nih a, Krista taksate an lo inpumkhat tâk dân chanchin min hrilh a. Mi then hrangtu hrang hrang, hêng—Juda, Gentail; hmeichhia, mipa; bâwih, bâwih lo; mingo, mihâng; mi hausa, mi rethei—tihte hian khenbeha awm tawh leh tholeh ta Chhandamtu zâra inpâwl khâwmte zîngah chuan hmun an chang ve lo. Petera hian Krista chu “kan inremna a ni si a, ani chuan intaina a tisaa tibovin, pâwl pahnihte chu pumkhatah a siam a, an kêr pindanna bang chu a tichim a, chutichuan, amahah chuan pahnihte chu mihringte thar pumkhatah siamin inremna a siam thei ang” (*Eph. 2:14, 15*) tih thuchah hi a pumhlûmin a la puang rih lo va. Nimahsela, thil thar a zir tan dêr tawh tho va: Joppa khuaa savun siamtu inah thlen a thlang ta chat rêng a ni.

Thlarau Thianghlim chuan Petera hi Kristiante inlaichîn tawwna chungchâng hrethiam leh zual tûrin a duh a, he savun siamtu ina a thlen lâi hian chawhnu thlang herah inlârna hmuhtîrin mi tu mah bawlhhlawh emaw, khawih thiang lo emaw tia ko thei a nih lohzia hrilh a ni ta a, hei hi ramsa thianghlim leh thianghlim lote chu “talh a, ei tûra” (*Tirhkohte 10:13*) Petera hrilh a nihna inlârnain a sawi tum ber pawh a ni bawk. Pathian chuan Petera chu in chhâwng chung ata chhuk thla a, chanchin thain a sawi chu a taka nunpui nghâl tûrin a hrilh a: Kornelia mi tirhte chuan kawngkhâr bulah an lo nghâk reng tawh a ni. Petera pawhin Pathianin a sawi chu a man thiam nghâl mai a: “Mi tu mah thiang lo leh bawlhhlawh ka ti tûr a ni lo tih Pathianin mi hriattîr a ni” (*Tirhkohte 10:28*) tiin a sawi. Juda-te leh Gentail-te inkâra dâidanna bang chu thiah a inpeih a, chutichuan Kornelia inah pawh a lût ta rêng bawk. A dang zawng chu Pathianin a ti ve thung.

Hemi hma hian Kaisari khuaa awm Rome sipai za hotu Kornelia chu ama inah a lo tawngtâi ve tawh bawk a. Amah hi sakhaw mi tak, Pathian thîh êm êm, thilphal tak leh tawngtâi thîn a ni (*Tirhkohte 10:2*). Kornelia chu chawhnu dâr 3:00

vêlah a lo ɬawngtâi a, thutak a zawнна leh Pathian hriat chian leh zual a duhna chu chhângin a hnênah vântirhkoh pakhat a rawn inlâr a, Kaisari khua aɬanga chhim lam mêl 40 vêla awm Joppa khuua awm Petera chu a kawhhmuh a. Chanchin ɬa thutak zawngtute chu Thutak leh Nunna ni kawpa chuan a ngaihsak lo thei lo. Tih tak zeta thutak zawнна chuan vân lam hmanruate a au thla thuai ɬîn a ni.

Kornelia in a thlen hnua Petera thil sawi hmasak ber hian chanchin ɬa chu pakhat chauh a awmzia a tilang: Pathian chuan Juda kan ni emaw, Gentail kan ni emaw tu mah duhsak bîk a nei lo va, Isua Krista chu mi zawng zawng LALPA a ni (*Tirhkohte 10:34–36*). Inpumkhatna leh zâi khata luanna hi chanchin ɬhain a tum ber a nihna hmun chu Thlarau Thianghlimin hna a thawhna hmun a ni tih kan hre thei. Chuvângin, Petera pawh hian thu a sawi zawh hma hmains, “a thu hretu zawng zawngte chungah chuan Thlarau Thianghlim a lo thleng ta nghâl mai rêng a ni” (*Tirhkohte 10:44*).

Heti lâia “zawng zawng” a tih hian serhtante leh serhtan lohte, Juda-te leh Gentail-te, hmeichiate leh mipate a huam vek a ni. Hetiang khawpa chianga vân lam palâi meuhin a rawn sawi hnu hi chuan tu-in nge inɬhenhranna boruak la chhawm nung zêl ngam tawh ang? He sipai za hotu in chhûng hi Thlarau Thianghlimin intaina leh dâidanna bang a ɬiahna hmasa ber a ni ta a ni.

Ngaihtuah teh: He sipai za hotu chanchin aɬang hian mihringte hi Pathian anpuia siam ɬeuh kan nih (*Gen. 1:26*) avângin kan zavaiin inang tlâng vek kan ni tih kan hre thei. Kraws khân Kristaah chuan “Juda mi a awm theih lo va, Grik mi pawh a awm theih hek loh; chutah chuan bâwih a awm theih loh va, bâwih lo pawh a awm theih hek loh; chutah chuan mipa leh hmeichhia pawh a awm theih loh; Krista Isuaah chuan in zain pumkhat in ni si a” tiin min hrilh a (*Gal. 3:28*). Chuti a nih si chuan enga ti nge Kristiante zîngah inɬhen hranna rilru a la

awm fo le? He harsatna hi eng tin nge kan chin fel ang? Khawi aṭanga a siam ṭhat hna ṭan tûr nge kan nih?

RAHBI 3—A taka nunpui tûr

ZIRTÏRTUTE TÂN BÏK: Petera khân Isua chu a mi mal tak pawhin a hria a. Petera khân sangha man tam dân pawh tam tak sawi tûr a hre ngei ang—sangha mai ni lovin, mihring man dân pawh a hre viauin a rinawm. A pizawn damlo Isuan a tihdam thu te, mi 5,000 hrâi puar an nih dân te, hmêl danglamna tlânga thil thleng te, ama'n Isua a lo phat tawh dân te, Judan Isua a fawh thu te, kraws chanchin te, leh thawhlehna thu pawh sawi tûr a hre viau âwm e. Petera ngaih chuan nun hi thil thleng hrang hrang chanchin ni lovin, thil Chiang tak a taka chan vena a ni zâwk. A nun kha LALPAN thil a tih leh a tih theih te mita hmuhna ngei a ni.

Ngaihtuah zui tûrte: Petera kha rilru nghet lo leh mahni leh mahni pawh inkalh nawk nawk châng nei a ni a. Pentikos hma leh Pentikos hnuah a mizia chu chhim leh hmar ang hlawka danglam a ni. Khatiang taka Petera a lo danglam tâkna chhan kha eng nge ni a, a chungah eng thil nge maw thleng le? Eng tin nge Thlarau Thianghlim lo thleng hian kan thlarau nunah nghawng a neih ṭhin?

RAHBI 4—Boruak siam rawh

ZIRTÏRTUTE TÂN BÏK: In class-ah paper eng emaw zât rawn keng la. Phêk tinah khân Petera nuna thil thleng emaw, chanchin tha bu-a ama chanchin inziah thu emaw pakhat zêl zia ang che. Zirlâi in zir zawh hnuah chûng paper-te chu khawn khâwm la, tichuan i class member-te chu pakhat zêl thlang chhuak a, chuta thu inziah chu an lo ngaihdân sawi tûrin sâwm ang che.